

東華續錄

道光五十四

臣王先謙敬編

周潤蕃恭校

秋七月辛卯諭前據奕湘等奏接據朝鮮來咨內地與朝鮮交界之處近日又有夷人私越邊界墾田構舍登墾究辦一摺當經降旨將未能實心查辦之將軍禧恩等交部嚴加議處茲據該部議以降級調用奸民越界本干例禁開墾田畝尤屬意在久居爲業宜如何認真查辦乃禧恩履任數年於此等外藩交界經朕特旨交辦之件漫不經心實屬孤恩大負委任禧恩著革去公爵拔去雙眼花翎仍帶單眼花翎降爲鎮國將軍以示懲儆○壬寅上閱吉林黑龍江官兵馬步射○癸卯諭賀長齡奏漢回構隙見辦情形等語滇省漢回夙嫌未釋或獲其同類輒私設牛叢偶有爭

端遊匪懲懲附和往往釀成鉅案自應破除積習永杜弊端著賀
長齡督率所屬嚴禁牛叢刀行保甲凡土著民人無論漢回悉聯
爲一體如有外來遊匪卽行驅逐以絕其構煽之端至遇漢回交
涉事件尤當秉公持平一視同仁無分畛域庶令信義相孚猜嫌
悉化以靖邊域儻不能認真辦理事務實嗣後仍有滋事之處
惟賀長齡是問○乙已諫軍機大臣等御史戴綱孫奏河東鹽務
商力已疲請量爲變通一摺據奏鹽法之善莫過於民運民銷而
官收其稅河東商力疲敝比以舉報充商大爲閭閻之累請倣照
前乾隆年間河南鹽課改入三省地丁完納舊例酌量變通等語
著吳其濬體察情形該御史所奏是否可行悉心妥議具奏尋奏
河東官地由唐迄今外設禁牆以防作踐內通畦渠以潄鹵泉稍
不完精淡水滲入則全池之鹵卽行融釋是以附近山溪築堰

坡不使涓滴潛注每歲搶修皆係商捐生息所費甚鉅一歸民運
竈丁無力修葺不過一二年間即成荒灘所產之鹽夾雜硝磺不
便民食徒棄天產且恐官池妄之於民心致無鹽可稅此不敢輕
議改歸民運者也再查三省鹽課攤入地丁全卷止系晉省主議
並未咨商各省以致兩淮天津均以晉鹽充塞大礙官綱至嘉慶
十二年即復改歸商運是當時草率立案本未周妥以今日山西
情形而論驟攤鹽課二十八萬有奇恐民力不支勢將增累窮黎
且河東之商一聞改法無論殷乏俱存觀望更恐於奏銷大有妨
礙此不敢輕議攤入地丁者也報聞○庚戌諭前據布彥泰奏審
訊首逆胡完供詞與原卷迴不相符一案旋因布彥泰已簡任陝
甘總督特降旨交薩迎阿研訊確情具奏茲據奏稱訊明胡完本
名薩密斯頂並非布孜爾罕亦無從逆情事證據甚爲確鑿是突

經等審辦此案並不悉心研鞫任聽伯克誣攀教供委員刑偏妄認幾致誤入叛逆重罪昏瞶謬妄莫此爲甚奕經著卽革職發往黑龍江充當苦差齎清額以專城大臣審轉不實著一併革職發往伊犁充當苦差賽什雅勒泰隨同會奏並未深究案情亦屬不合著改爲降三級留任不准抵銷英吉沙爾回務筆帖式富德渾承審此案率用刑求且於邁瑪特等捏添供詞並不深究著革職從重發往烏嚕木齊充當苦差葉爾羌回務章京西林泰喀什噶爾回務章京和德那派委會審均未能審出實情俱著革職換防參將蘇芳阿遊擊馬忠良雖係武職不諳例案究於重案未能隨同詳審咎亦難辭著一併革職毋庸交部覈議至胡完一犯雖訊無從逆情事惟據供有酗酒賭博抗欠誣告及姦拐婦女等情邊疆重地斷難容此不安本分之人著卽定地充軍○致仕大學士

阮元奏謝加太傅銜重赴鹿鳴宴恩得旨覽奏均悉願卿福壽日增以待三赴鹿鳴之盛也○辛亥賞內閣學士德齡副都統銜爲英吉沙爾領隊大臣○是月賑三姓及甯古塔等處水災緩徵江蘇宿遷縣被水灘租

八月戊午諭作據刑部奏結職官狎優飲酒一案已依議行矣此案各該員以職官恣意遊蕩均屬俾鄙無恥咎無可辭惟案內之王恩祥一員見官翰林平日自宜敦品勵學謹慎自愛乃竟踰閑陽檢甘蹈狎邪更改姓名尤屬巧詐卑鄙昨經朕簡放學政設使此案倖未舉發尙安望其訓迪有方爲士林表率耶王恩祥行止卑污有玷清班革職不足蔽辜著從重發往軍臺效力贖罪以爲身任詞臣不知檢束者戒○乙丑諭前據薩迎阿奏請添設印房回務章京當交軍機大臣會同該部議奏茲據會議奏稱英吉沙

爾臨邊臺卡甚多地方亦屬緊要自應添設章京以專責任英吉沙爾著准其添設印房回務章京一員卽專用六部筆帖式毋庸用起廢人員○壬申諭軍機大臣等寄諭盛京直隸江南浙江福建山東廣東七省將軍督撫提鎮等著英奏繕進陸營守備事宜狀並練兵儲餉等項事宜一摺練兵儲餉爲邊防要務洵宜準今酌古實刀購求唐陸贄緣邊守備事宜狀一疏於理兵儲餉再三致意曲盡邊防要領著各該將軍督撫提督等咸錄一通置諸座右務宜觸目儆心反復尋繹斟酌以求其當變通以適其宜於籌策邊防自有裨益至各營兵丁技藝之優劣視將弁操演之勤惰總任勤加訓練將弁得人嗣後廣東水陸各營自副將以下守備以上著卽責成該提督等督同該鎮隨時考覈果能教練有效兵丁悅服者據實保舉由著英覆覈年底密摺陳奏候朕點出一二

員由該督給咨赴部引見聽候擢用此外海疆各省著照此認真
嚴辦至儲餉以備非常必須豫籌方免支絀著該督撫等轉飭各
海關該管官嗣後奏報徵收錢糧時計一年稅數贏絀將徵納尾
銀酌留數萬或數千擬定數目奏交各省藩庫另款存貯以資儲
備前著奕湘訥爾經額崇恩按照各該省情形分別輕重緩急酌
量籌辦務令積之永久以裕軍實凡此訓練儲蓄固爲籌邊要術
然總在平日恤之以仁推之以恩要之以信制之以義而復嚴號
令明紀律公賞罰德懷威畏以固結人心振作士氣俾上下一體
有進無退方爲有用之師該將軍督撫提督等務須激發天良深
自刻勵毋稍苟安於弁兵等體恤倍至以實心待之自可得其實
心而紓急可恃矣至各處船隻礮位礮臺陣式一切事宜均宜事
事認真各收實用不得徒事外觀有名無實是爲至要○諭本日

布彥泰奏巡邊大概情形等語番匪擾及邊界自應先固藩籬以杜窺伺見據該督相度西甯一帶地勢或因河爲固或扼險設備著卽擇要籌防妥爲布置所有哈喇庫圖爾之南山根南川營之青石坡等處應如何修建營堡及黃河北岸之頭岱東信忙多等處渡口應如何設卡嚴防仍復舊制均著於巡查甘涼肅州等處邊卡完竣後綜覈全局悉心妥議具奏總期訓練認真卡防扼要俾番族無從偷越致有顧此失彼之虞方爲妥善尋奏貴德廳所屬西番往往偷渡河北從前設有防河官兵河勢紆亘固不能周防而有賊渡河可以先得信息卽報察漢托洛亥等防城互爲防範後雖屢次減撤沿河尚有官兵自道光二十三年亭呢揚阿奏將防河之兵全數裁撤添設將軍臺會亭子二城專恃防所堵禦遂令聲息難通於防堵並無裨益自宜仍復防河舊章請於察漢

托洛亥等防城駐兵一千二百名內撥出兵六百名再於西甯河州二鎮添派兵四百名分布沿河扼要之頭岱東信忙多等渡口派令守備千把等弁分帶嚴密防守仍歸察漢托洛亥駐防副將統轄又西甯鎮屬哈喇庫爾營所管之南山根南川營所管之青石坡兩處山勢峻拔爲野番必由總路俱應安兵駐守擬於南山根安兵一百名亦由察漢扎洛亥防兵內酌撥並派千總一員外委二員管帶輪管駐守其青石坡安兵一百五十名即由該管之南川營就近撥派惟南川營額兵無多擬先由西甯鎮標照數派往亦著派千總外委等員管帶駐守應請於南川營酌添兵二百四十六名在甘肅腹地事簡營汛抽撥仍歸南川營都司管轄撥定以青石坡卽作爲該營汛卡以歸簡易新設之將軍臺會亭子二城應統歸附近之察漢托洛亥防城管轄西甯鎮屬大通永

安等營所管之都濟石打板黑石頭等九處甘州提屬永固協等營所管之扁都口等十一處肅州鎮屬嘉峪關內紅崖等營堡所管之石灰關等大卡十六處涼州鎮屬永昌協等營所管之白石崖等十一處均屬沿邊最要口隘應派弁兵自三四十名至百餘名不等悉令照數派往常川駐守其甘州提屬扁都口外之野馬川卽責成扁都口一帶營卡嚴密防範此外沿邊僻小口隘甚多勢難派弁兵駐守宜有舊挑坑塹以遏賊馬奔突仍飭令附近汛卡以體嚴防下軍機大臣會同兵部議行○癸酉 上閱火器營兵○甲戌諭賀長齡奏軍犯奮力效誠請援照回疆遣勇將功贖罪成案准其釋回等語所奏甚屬謬妄內地與回疆情形迥不相同在配軍犯自宜嚴加管束不得藉端違諱免罪致使妄生希冀該督總制兩省營伍不惟雲南之兵歸其統轄卽貴州各營亦

無難隨時檄調此次辦理么麼回匪何必藉一軍犯之力練勇相助耶所請著不准行賀長齡辦事毫無見識懦弱無能有負朕望著傳旨嚴行申飭仍交部議處以賽什雅勒泰爲內閣學士兼禮部侍郎銜

山葉爾差參贊大臣遷

○乙亥諭上年雲南回匪滋事經賀長

齡親往督勦辦理果協材宜何至本年復有蠢動見在雖據該督奏稱連獲勝仗地方安謐惟尚未能及早籌防優柔從事致復勞師糜餉已屬咎無可辭甚不以總督重任兩省營伍皆其統轄豈竟調遣乏人轉藉一軍犯之力助勦諺妄無能莫此爲甚賀長齡不勝總督之任雲貴總督著李沅樞授卽馳驛前赴新任江蘇巡撫著陸建瀛調補李星沅未到任以前雲貴總督著陸建瀛兼署俟李星沅到後隨時馳驛赴江蘇巡撫新任陸建瀛未到任以前江蘇巡撫著陸建瀛至署理藩臬兩司卽著派員遞署雲南巡撫

著張日昌補授亦著馳驛前赴新任賀長齡著卽降補河南布政使均無庸來京請訓○丙子諭軍機大臣等賽什雅勒泰奏布嚕特賊匪突入山口搶掠回莊拒殺軍臺弁兵卽時竄匿情形一摺此次布嚕特賊匪膽敢擄掠軍臺拒殺弁兵必應大加懲創雖據該大臣等奏稱弁兵追勦業已卽時竄匿難保不復出滋擾著該大臣等咨會各城督飭弁兵伯克等選派精壯兵丁嚴密防堵如有賊匪竄入務卽認真督剿或設法兜攔或斷其後路總期悉數殲除使該匪等望風屈服卽行逃竄不必出卡窮追仍應嚴守卡隘並和度機宜斟酌妥辦被戕弁兵著該部照例議卹所請將伊斯瑪依勒黃子伯克及伊斯瑪伊爾革職留任之處均毋庸議其自請嚴加懲處亦著加恩寬免該大臣等惟當激勵將弁事事認真既不可過事張皇尤不可稍形疏懈○戊寅諭軍機大臣等

會議賀長齡奏要犯軍前繳械投誠願招餘黨一招此案回民張富兩次糾眾滋事本屬律不准首茲據帶同夥黨赴營投首前呈繳器械情願投出餘黨願求免罪該犯張富罪重難這是是否果係悔罪出於至誠力求自新之路抑係勢盡援絕窮蹙來歸或另有人慫恿令其投首希圖免罪一時仍難免再行滋事之處著李星沅張日晟到任後嚴密訪查悉心體察據實具奏毋得稍涉含混代人受過儼所查不實別經發覺該督等斷不能當此欺飾之罪也懷之慎之至該犯張富所帶投誠夥黨除馬效青外共有若干名有無著名要犯共繳器械若干亦著於覆奏時一併詳悉聲明

○已卯以李璋煜爲浙江按察使

九月丙戌耆英等奏湖北獲解傳教洋人納巴羅卽陸懷仁訊明實係大呂宋人並無別項不法情事該國並無領事在粵已發交

西洋夷目嚴加管束○已丑諭軍機大臣等據開明阿等奏布魯特賊匪撲卡被擊立即潰散逃竄一摺此次布魯特賊匪復來攻撲卡倫經我官兵奮力攻擊箭射黑衣賊匪落馬得獲勝仗賊匪立即潰散逃竄我兵亦即收撤並無一人受傷辦理尙好惟該賊匪雖已竄逸雖保不復出滋事著該大臣等確探賊匪究往何處逃竄抑或屯聚何處一面督飭該員弁伯克等嚴密防堵如有賊匪復來滋擾卽相度機宜認真勦辦務須悉數殲除勿留餘孽儻既經竄逸仍著不必出卡窮追其賊匪中騎黑馬穿黑衣頭目係何姓名務向此次活捉之賊確切訊明並將起釁根由一併根究至我兵箭射該頭目落馬者係屬何人亦著查明據實具奏○壬辰諭漕糧爲天庾正供節經降旨令有漕各省督撫嚴飭所屬早兌早開剋期渡黃毋稍延誤乃近年重運漕船不能如期抵壩以

致到通歸次兌受新漕節節耽延總緣各該督撫不肯破除情面
實力催趲所致見已節逾霜降水勢日消況本年因連河淺阻江
廣各幫卽在安陵剝運抵通更行遲滯若不趕緊催趲及早歸次
儻誤新漕受兌關係匪輕著漕運總督及沿途各督撫分飭嚴催
務使連檣南下銜尾過行不准片刻停留庶幾以速補遲如期歸
次來年新漕尤當趕緊辦理按限兌開統限於四月初十日以前
全數趲至清江剝期抵壩以便渡黃北上毋許稍有延誤儻意存
怠玩視爲具文仍致臨事周章有逾例限定將該漕督及各督撫
嚴行懲處決不寬貸○癸巳以山東兗城等三十縣麥收歉薄命
改徵粟米○甲午諭軍機大臣等有人奏准嵯積弊亟宜徹底通
籌一摺准嵯賦甲天下近年以來商務疲累亟宜剔弊懲私認真
整頓著璧昌會同運司體察情形通盤籌畫悉心妥議具奏另片

奏准北票鹽驗貨太盛恐米歲崇期無人投納等語亦著該督督率運司詳細確查妥協辦理尋奏查原奏鹽查池私商私減除規費浮費杜奸商之取巧禁蠹吏之舞弊皆屬必應革除之積弊業經嚴行查禁至於按商費以派額引則費本無由深悉適開巧偽之端令北票兼認懸引則票販來去無常未敢輕爲嘗試其南鹽減運北票納費以及彼岸收捆中包懸引融網提售原非正辦原奏所指各弊亦宜革除但當此積疲之際不得不權加調劑以甦甯困而全大局下部議尋議准該督暫時權宜酌辦仍督同運司從長籌計以期漸復舊規從之○癸卯歲前據璧昌等奏請將江蘇省各州縣歷年墊完民欠懇恩豁免當交戶部議奏茲據戶部議奏請行飭查勒限追賠等語國家蠲免錢糧總期實惠及民果屬民欠雖鉅萬不惜蠲除如係官虧卽絲毫不容混免官墊民欠

久爲江蘇錮弊此項若邀豁免將來州縣任意侵那毫無忌憚且書役包攬以完作欠種種弊端必致日甚一日著該督等查照上屆部議奏駁原案仍遵前旨不得有官墊民欠名目並迅卽查明原墊及接徵各員按數分賠勒限嚴追儻逾限不完及再有官墊名目卽行嚴參不貸以重帑項而杜侵欺○丁未張日晟丁憂以徐廣縉爲雲南巡撫調傅繩勛爲江甯布政使以葉名琛爲廣東布政使服闋布政使戊申以程裔采署江蘇巡撫楊殿邦署漕運總督陳孚恩署倉場侍郎由左副都御史署○以李德爲江蘇布政使由順天府○是月加賑山東東平萊蕪二州縣災民賑三姓琿春水災府尹旗民給山東汶上等四縣災民口糧蠲緩奉天遼陽等十三州廳縣直隸霸州等三十五州縣山東東平等四州縣災歉新舊額賦展緩河南尉氏縣水災額賦三姓琿春旗民貸穀通穀